



● EDITORIAL ● RAL VENGTO ● CHHUNGKAW CHANCHIN

- ✿ Thawhlawm thawh tam Bial leh Kohhrante/per DZK-a sang
- ✿ Rawngbawlina inhriatpuina leh tanpuina sum theh chhuah
- ✿ PCI bul tum rikrum chhiatna leh a kaihnawih zir hona
- ✿ SMB Missionary thar 19 tirh chhuah an ni

RNI 68092/83 Regn. No. N.E. 1024

From

Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVII

No. 355

E-mail : synodnews@gmail.com

APRIL, 2013

SYNOD SUM DINHMUN THAR TIHCHHUAH A NI

- 2012 - 2013 chhunga Synod sum hmuh zawng zawng ₹ 1,15,47,20,510/-
- Nikum khûmna ₹ 20,89,31,680/-; Budget khûmna ₹ 14,96,96,510/-

Synod Finance Department chuan kum tina tih dan pangngaiin Tangka Kum (Financial Year) tawpah sum dinhmun thar a tichhuak leh thei ta a, chumi atanga a lan dan chuan Pastoral leh Mission budget pumpui ₹ 1,00,50,24,000/- chu ₹ 14,96,96,510/-a khûmin ₹ 1,15,47,20,510/- hmuh a ni a, nikuma hmuh khumna pawh ₹ 20,89,31,680/- lai a ni. Hemi chungchangah hian Synod Finance Officer Rev. Lalzuithanga chuan, "Thilpek rawngbawlina lama hmasawna duhawm tak lo lang zel hian kan Kohhran inpumkhatna leh thawhhona thatzia a lantir a. Mi tinin kan phak tawh tawka thahnemngaiin Pathian rawngbawlina kan ngai pawimawh tih chiang takin a lang a, Pathian leh Kohhranho hnenah lawmthu ka sawi a ni," a ti. Finance lama hotu dangte pawhin hmuh lawk eng mah awm lova rinna leh beiseinaa Synod-in sum hmuh tur budget a siam, kum a han liam a, kan khûm leh mai thei hi Pathian hnathawh ropui a nih thu sawiin, kum laihawlahte chuan kum dang phak loh mai theih a nih dan te ngaihtuaha an thlaphan rum rum thin thu an sawi. Pathian hnena thilpek hi mi mal emaw, chhungkua emawin Pathiana lawmna leh rinna, a taka an lan chhuahthina pawimawh tak a nih avangin hemi lama hmasawna hian Kohhranhote dinhmun a hril thui hlea ngaih a ni thin. Tangka Kum liam taa Synod Sum dinhmun chu hetiang a ni:-

A PUMPUA HMUH KHAIKHAWMNA

Budget Head	2012-2013 Budget	Hmuh zawng zawng	Budget Khumna	Khumna percent	2011-2012 hmuh zat	Nikum khumna	Khumna Percent
Pastoral	59,67,67,000	64,36,59,045	4,68,92,045	7.86	52,40,74,150	11,95,84,895	22.82
Mission	40,82,57,000	51,10,61,465	10,28,04,465	25.18	42,17,14,680	8,93,46,785	21.19
Total	1,00,50,24,000	1,15,47,20,510	14,96,96,510	14.89	94,57,88,830	20,89,31,680	22.09

HEAD HRANG HRANGA HMUHNA

Sl. No.	Budget Head	2012-2013 Budget	Apr 12-Mar 13 chhunga hmuh	Budget khumna (+) /Phaklohna (-)	Hmuh zat percent
1(1)	Pathian Ram				
	1) Pathian Ram	48,08,92,000	50,47,05,212	(+) 2,38,13,212	104.95
	2) Buhfaitham	8,30,82,000	9,66,28,375	(+) 1,35,46,375	116.30
	3) Sakramen	32,00,000	41,19,527	(+) 9,19,527	128.74
	4) Sunday School	28,00,000	31,45,763	(+) 3,45,763	112.35
	5) Inneihna	1,40,000	2,03,648	(+) 63,648	145.46
	Total	57,01,14,000	60,88,02,525	(+) 3,86,88,525	106.79
1(2)	Designated Total	12,50,000	36,08,260	(+) 23,58,260	288.66
1(3)	Hmuhna dang Total	2,54,03,000	3,12,48,260	(+) 58,45,260	123.01
	Pastoral Grand Total	59,67,67,000	64,36,59,045	(+) 4,68,92,045	107.86
2(1)	Ramthar				
	1) Ramthar	26,84,88,000	33,37,85,824	(+) 6,52,97,824	124.32
	2) Thawktu chawmna	12,69,62,000	16,24,86,012	(+) 3,55,24,012	127.98
	Total	39,54,50,000	49,62,71,836	(+) 10,08,21,836	125.50
2(2)	Hmuhna dang Total	1,28,07,000	1,47,89,629	(+) 19,82,629	115.48
	Mission Grand Total	40,82,57,000	51,10,61,465	(+) 10,28,04,465	125.18
	Receipt Grand Total	1,00,50,24,000	1,15,47,20,510	(+) 14,96,96,510	114.89

phak hnihna thlur hnihnaah zawm a ni

SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlungnunga (KCN)

Editorial 

RAWNGBAWLNA RILRU

Mi tam ber chu Pathian leh mi dang tan aia mahni tana inhai vur thin kan ni a. Rawngbawl na rilru pua ni tina mahni hna thawk thin chu tlem te an niin a lang. Kan Lal Isua khan mi dangte rawngbawlsaka awm tur ni lovin, mi dangte rawngbawlsak tura lo kal a nih thu min hrilh a. Hei hi keini pawhin kan rilru put hmang tur niin a lang.

Sawrkah leh Company-a hna dil mekte pawh hi zawt ta ila, 'Pathian rawngbawl ve theihna remchang a nih takin' tih lam aiin 'mahni leh chhungte mamawh atan' tia dil an tam zawk daih ngei ang. Eng hna pawh thawk ila, rawngbawl na rilru pua kan thawh chuan ni tin Pathian rawng kan bawl dawn a lo ni reng mai! Bawihhoten an pute rawng an bawlsak pawh Paula chuan, "Lalpa Krista rawng in bawl a nih hi," a ti mai a ni. Kan ramah corruption a tam kan tih kan tih pawh hi rawngbawl na rilru pua hna kan thawh loh vang a ni ber ang. Sawi zel takah chuan kohhran hnuiaia thawkhote pawh hian rawngbawl na rilru kan put tlat loh chuan hun puma thawk nia kan inhriat lai hian Pathian chan lam a lo tlem viau thei tlat a ni. Eng pawh ni se, rawngbawltu kan ni emaw ni lo emaw, kan thawh apiangah Pathian ngaiha thaa inentir tura thahnem kan ngaih chuan rawngbawl na rilru kan pu tihna a ni dawn a ni.

PAVALAI MEET 2013

Ram pum huap Pavalai Meet, August 3 - 4, 2013 (Inrinni zan atanga Pathianni zan)-chhungin Bethlehem Kohhranah hman tura tih a ni a. Tualchhung Kohhran Pavalai Pawlte a hranpaa sawmna pek a ni dawn lo va. Meet-a kal thei turte chuan Bethlehem Kohhranah a hma lamin inhriattir ni se. Kal man senso chu mahni intum tur a ni ang.

(REV. R. LALCHANGLIANA)

Director

Synod Revival

SYNOD-A SUM CHHUNG LUT ZAT

Synod Finance Department-in an chhinchhiaah dan chuan nikum March thla atanga kumin April chhung khan Synod-ah Kohhran 1,048-in sum an chhung lut.

phek khatnaa mi zawmna

SYNOD SUM LUT — KUM HMASA NENA KHAIKHINNA

Sl. No.	Budget Head	Nikuma hmuh zawng zawng	Kumina hmuh zawng zawng	Nikum khumna (+) /Phaklohna (-)	Khumna (+) /Kiamna (-) %
1(1)	Pathian Ram				
	1) Pathian Ram	40,94,67,633	50,47,05,212	(+) 9,52,37,579	23.26
	2) Buhfaitham	8,68,37,566	9,65,27,935	(+) 96,90,369	11.16
	3) Sakramen	33,86,280	42,19,967	(+) 8,33,687	24.62
	4) Sunday School	30,20,206	31,45,763	(+) 1,25,557	4.16
	5) Inneihna	1,74,158	2,03,648	(+) 29,490	16.93
	Total	50,28,85,843	60,88,02,525	(+) 10,59,16,682	21.06
1(2)	Designated Total	70,17,363	36,08,260	(-) 34,09,103	(-) 48.58
1(3)	Hmuhna dang Total	1,41,70,944	3,12,48,260	(+) 1,70,77,316	120.51
	Pastoral Total	52,40,74,150	64,36,59,045	(+) 11,95,84,895	22.82
2(1)	Ramthar				
	1) Ramthar	27,38,04,159	33,37,85,824	(+) 5,99,81,665	21.91
	2) Thawktu chawmna	13,28,82,567	16,24,86,012	(+) 2,96,03,445	22.28
	Total	40,66,86,726	49,62,71,836	(+) 8,95,85,110	22.03
2(2)	Hmuhna dang Total	1,50,27,954	1,47,89,629	(-) 2,38,325	(-) 1.59
	Mission Total	42,17,14,680	51,10,61,465	(+) 8,93,46,785	21.19

DAN ZAWH KIM HISAPA BIAL THAWH TAM 10

Bial hming	DZK zat	Thawh zat in ₹	Per DZK
1. Dawrpui Bial	4,358	4,12,55,117	9,467
2. Shillong Bial	574	45,75,849	7,972
3. Mission Veng Bial	4,408	3,20,95,880	7,281
4. Kohima Bial	210	15,17,942	7,228
5. Ramhlun North Bial	4,990	3,49,24,300	6,999
6. Madanrtng Bial	1,055	72,90,098	6,910
7. Chanmari Bial	6,888	4,62,96,514	6,721
8. Electric veng Bial	4,788	3,19,62,553	6,676
9. Khatla Bial	4,968	3,17,52,048	6,391
10. Ramhlun Bial	2,826	1,79,49,639	6,352

BIAL THAWHLAWM THAWH TAM 10

No.	Bial hming	Thawh zat in ₹
1.	Chanmari Bial	4,62,96,514
2.	Dawrpui Bial	4,12,55,117
3.	Ramhlun North Bial	3,49,24,300
4.	Mission Veng Bial	3,20,95,880
5.	Electric veng Bial	3,19,62,553
6.	Khatla Bial	3,17,52,048
7.	Chaltlang Bial	3,14,90,547
8.	Chhinga veng Bial	3,08,21,072
9.	Bethlehem Bial	2,65,42,146
10.	Chawnpui Bial	2,49,43,634

DAN ZAWH KIM HISAPA KOHHRAN THAWH TAM 10

Sl. No.	Kohhran hming	DZK zat	Thawh zat	Per DZK
1.	Dibrugarh	5	84,159	16,832
2.	Duliajan	13	2,06,172	15,859
3.	Zarkawt	1,344	1,86,12,879	13,849
4.	Kohima Mizo	86	11,84,005	13,768
5.	Khatla	1,695	1,82,53,484	10,769
6.	Shillong Mizo	381	37,69,093	9,893
7.	Chanmari	2,879	2,64,33,295	9,181
8.	Tuikhuahtlang	829	74,61,143	9,000
9.	Dawrpui	1,564	1,39,82,039	8,940
10.	Chhinga Veng	1,764	1,57,65,750	8,938

KOHHRAN THAWHLAWM THAWH TAM 10

No.	Kohhran hming	Thawh zat
1.	Chanmari	2,64,33,295
2.	Ramhlun North	2,15,54,892
3.	Mission Veng	2,06,94,672
4.	Electric Veng	1,90,84,730
5.	Zarkawt	1,86,12,879
6.	Khatla	1,82,53,484
7.	Chanmari West	1,62,60,518
8.	Chhinga Veng	1,57,65,750
9.	Dawrpui	1,39,82,039
10.	Champhai Vengthlang	1,29,11,378

SMTC-IN COMPUTER AN ZIR CHHUAH THARTE AN THLAH

Synod Multipurpose Training Centre-a CWM support fund hmanga kalpui computer zirna, Certificate in Computer Application (Thla ruk course) chu hlawhtling taka kalpui zel a ni a. Batch 11-naah zir chhuak mi 26 awmin zir chhuakte thlahna hun hi March 28, 2013 khan hman a ni. SMTC-a CCA zirte hian Registration fee Rs.100/- leh monthly fee Rs.50/- chauh an pe a. Thuang taka zir chhuakte hnenah Incentive Prize Rs.1,200/- zel pek an ni thung. SMTC-a computer zirna hawn a nih atangin mi 227-in tha takin an zir chhuak tawh a, eizawn nana hmang pawh eng emaw zat an awm tawh a ni.



RAL VENG TU

An khaw chhim lam paho chuan hmar lam nuho titi atangin Ral Vengtu kawm a manhlazia an lo hria a, a kamchhuak ngaithla turin an leng ve ta hlawm a. Tunlaia Kohhran leh ram dinhmunte an sawi a, an titi a tui tlang hle a.

An zinga pa pakhat chuan, "Ral Vengtu, tunlaia Zoram ringtute Setanan min beihna hmanrua hi eng ber nia i hriat?" tiin a zawt a. Ral Vengtu chuan, "Mi han zawh takah chuan, 'Hman deuhvah kha chuan zirtirna dik lo leh Kohhran chhuahsan zawng te, hlahur tur hre thei zawng tein min bei a. Tunah hi chuan khatianga buma awmta khan a that lohzia an hre Chiang tawh hlawm a. Tuna Zoram ringtute Setanan min beihna chu rualawhna hmangin a ni a. A hmanraw hmasate ai khan hralh tla zawka a hriat avangin a phur khawp asin. He hmanrua hi chu Kristian chhungkaw tam takte tihchhiatna tur a nih avangin lo fimkhur hle ang che u," tiin a chhang a. Hlawk inti takin an tin ta dam dam a.

HRIATTIRNA

Aizawl Theological College chu Senate of Serampore College (University)-in Doctorate zirna (Doctoral Centre) atan a phal ta a. Kumin Academic Session June 2013 atang hian Christian Theology leh Missionology-ah Doctor zirna hawn tan a ni dawn ta. heta zir duhte chuan Application form siamsa hmangin Office hun chhungin dilna theh luh theih a ni. A hnuaia mite hi diltute hriat tur a ni:-

1. Dil turte chuan Senate of Serampore College-in Common Entrance Exam a buatsaih an pass ngei tur a ni.
2. Diltu chu an zir tur subject-ah M.Th Degree nei, Second Class B Grade chin hmu an ni tur a ni.
3. Dilna chu April 30, 2013 thleng theh luh theih a ni ang.
4. Entrance Exam hun : May 1, 2013
5. Departmental Interview : May 2, 2013
6. Personal Interview with TEB : May 3, 2013
7. Dilna form-ah Academic Certificate HSLC, B.A, B.D, M.Th (leh a tlukpui a awm chuan) thil tel tur a ni.

Sd/-

Rev. Prof. Vanlalchhuanawma
Principal
Aizawl Theological College

RAWNGBAWLNA HRIATPUINA LEH TANPUINA

Mizoram Presbyterian Kohhranin Kohhran leh pawl dangte nena thawhhona lam ngaihtuah tura a din Synod Partnership Committee chuan Synod thawhpui pawl (Non Governmental Organisation [NGO] leh Faith Based Organisation [FBO])-te rawngbawlina hriatpuina leh tanpui nan sum a theh chhuah a, a remchan dan anga hlan an ni. Tun tuma hriatpuina leh tanpuina sum pakte chu heng pawlte hi an ni:-

1. Central YMA Anti Drug Squad
2. Set Free Ministries, Mizoram
3. Spastic Society of Mizoram
4. Varanasi Mission
5. Shanti Niketan Childrens Home, Subathu
6. Dar Ul Fazl Children's Home, Manali
7. Restoration India Mission, Odhisa
8. Thlarau Bo Zawngtute Hqrs. Aizawl
9. Apostolic India Mission Hqrs. Aizawl
10. Disciples Society, Dawrpui
11. Shalom, Jowai

TUALCHHUNG KOHHRAN LIANTE

Synod Finance Department-in sum dinhmun a tihchhuah atanga a lan danin tualchhung kohhrana dan zawh kim (DZK) 2,000 chin chung lam awmna kohhran 14 an awm a, chung zinga pakhat chiah (Chanmari, Aizawl) dan zawh kim hisapa thawh tam zingah a lang. Kohhran dan zawh kim tam zualnate chu henge te hi an ni:-

Kohhran hming	DZK zat
1. Chanmari West	2,979
2. Mission Veng	2,969
3. Chanmari, Aizawl	2,879
4. Bawngkawn	2,802
5. Ramthar Veng, Aizawl*	2,745
6. Ramhlun North	2,699
7. Electric Veng, Aizawl	2,691
8. Durtlang	2,347
9. Bungkawn	2,333
10. Bethlehem	2,317
11. Republic Veng	2,303
12. Mission Vengthlang	2,202
13. Chaltlang	2,176
14. Bethlehem Venglai	2,050

(Sl.No. 5, Ramthar Veng Kohhran atang hian April thla bul lam khan Ramthar Tlangveng Kohhran a piang a, a chung kohhran zingah hian Kohhran indang tura inbuatsaih dang pawh an awm bawk. Kohhran indan zel hi Synod policy a nih avangin a chung mi hi a danglam thin) - (HR)

SYNOD HOSPITAL, DURLANG FEBRUARY, 2013 CHHUNGA THILPEK DAWNTE

I. CHARITY FUND

1. Pu Lalnunsanga, Durtlang Dawrkawn	Rs. 2,000/-
2. Pu Lalnunsama, Durtlang Dawrkawn	Rs. 1,000/-
3. Darlung Kohhran	Rs. 5,000/-
4. KTP, Kualmawi Branch, Bilkhawthlir	Rs. 3,000/-
5. KTP, Tuihta Veng Branch, Bilkhawthlir	Rs. 1,000/-
6. Upa K. Zakamlova, Pharmacist, Synod Hospl.	Rs. 2,000/-
7. Pi Lallianpui, Leitan	Rs. 2,000/-
8. Tuithumhar Bial Kohhran Hmeichhia	Rs. 1,000/-
9. Pu H. Lalsiamliana, Durtlang Mel	Rs. 1,905/-
10. Gateway Enterprise, Bawngkawn	Rs. 1,000/-
TOTAL	Rs. 19,905/-

II. THISEN PETE

	PEK ZAT
1. KTP, Khatla South Branch	32 Units
2. KTP, Tuikhuahlang Branch	32 Units
3. Synod Hospital Staff (Valentines Day Pual)	50 Units
4. New Horizon Institute, Zarkawt	31 Units
5. KTP, Khatla Branch	59 Units
TOTAL	204 Units

III. THILDANG PETE

1. Assn. for Voluntary Blood Donation
BP Instrument 3, Weighing Scale 3 & Blood Weighing Scale 3.
2. Pi Zosangi Zadeng, Chaltlang, Aizawl
Emergency Light 3
3. Khatla Kohhran Hmeichhia
Fraser's Clinic, Mission Venga mi tur Filter (5 Kgs.) 1

Synod Newsletter January 2013-ah khan December 2012-a Charity Fund petu tar lan zingah khan Govt. Complex Kohhran Hmeichhiain an rawn pek Rs.10,000/- tihan hmai palh a ni a; he thilpek hi lawm takin kan dawng a ni tih kan han tar lang ngah e. Tihhmai palhah ngaihdan kan dil e.

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah kan Lalpa Isua Krista hmingin lawmthu kan sawi tak meuh meuh a nie.

Sd/-
Rev. C. Lalbiakhluna
Chaplain,
Synod Hospital

SYNOD HOSPITAL-AH CO-ORDINATOR DAH THAR A NI

Synod Hospital Inkaihhruaina tharin Synod Hospital-a Co-ordinator awm tur a tih angin Synod Hospital-a Co-ordinator tur hian Synod Office-a Superintendent Upa F. Lalsangliana chu OM-in a ruat thar. He hna thar hi April thla bul lam khan a zawm a, Synod Office Superintendent hna chu Dr. Robert S. Halliday-a'n tuna a thawh mek Synod Information & Publicity Co-ordinator hna nen a kawp rih dawn a ni.

PHONE NUMBER CORRECTION

Kristian Diary 2014 buatsaih leh tur atan Pasor/Minister thawk lai, phone number la lang lo leh number thar neite chuan sms-in 9862331632-ah e m a w, e-mail-a thawn thei tan kristiantlangau@yahoo.co.in -ah emaw hriattir ni se a lawmawm hle ang.



Keifang Kohhran chuan, Pu R. Lalramliana, Gospel Thunder Team Speaker ruaiin Dt. 13.11.2012 - 1.12.2012 chung khan camping chhawngnga an nei a, Naupang pual camping-a lut te nen camp-a lut zawng zawng hi mi 1495 an ni. Thenawm Kohhran atang leh kohhran pawl dang atangin mi thahnem tak an lut baw a. Pathian Thlarau Thianghlum tihhartharna ropui tak an chang a, Krismas boruak pawl hlim takin an hman.

North Khawle Kohhran chuan Dt. 28 - 31. March . 2013 chung khan Synod Revival Speaker, Pu. F.Hmingthansanga Milunggaite Thian Team Speaker-a hmangin Crusade an nei a. Pathian thuchah ropui tak speaker hnen atangin an dawng . Zirtawpni (Good Friday) chawhnu inkhawm banin ruai an theh a, a tuk inrinni leh Pathianni (Easter Sunday) thlengin Crusade hi neih chhunzawm zel a ni a, Kohhran ho ten an hlawkpuihle.

Darlawng Kohhran chuan Dintharlehna Team Speaker Tv. C.Zairemmawia ruaiin Dt. 9.4.2013 - 24.4.2013 chung khan Chhandamna Camping an nei a, mi 143 zet ten lawm takin Camp an chhuahsan a, Kohhran ho ten an hlawkpuihle.

East Phaileng Kohhran chuan Pu Lalhantluanga, Krista Thuhritu Team ruaiin February 23 - March 3, 2013 chung khan Crusade an buatsaih a, hemi hun chung hian Lâng Camp chi thum - Naupang pual, teirawl pual leh pa valai pualin buatsaih a ni baw a. Thlarau Thianghlum hnathawh lawmawm tak a lang a, kut uai thla tawhte tihchak thara awmin Pathian fak leh chawimawin an kut te an phar chhuak leh a, Kohhranhovin sawtpui zel beisein kham lo takin he Crusade hi an hman.

Armed Veng 'S' Presbyterian Kohhran LAWMTHU SAWINA

Ni 18.3.2013-a Armed Veng South Presbyterian Kohhranin mi sual rawk tawka Rs.13,50,000/- min ruksak chu Pathian khawngaihna avangin ni 28.3.2013 khan a rawktu chu man niin, pawisa Rs.10,72,593/- leh an thil lo lei eng emaw zat hmuh a ni baw. Hemi chungchang hian theitawp chhuaha hma min lakpuitu Local Council te, NGO hrutute chungah leh thurawn min pea, min fin chhuaha, min tawngtaipuitu mi mal leh Kohhran chungah kan lawm tak meuh a ni.

A bik takin kan Biak In rawktu leh pawisa lo chhprelhpuitute man chhuah an nih theih nana an theihna zawng zawng hmanga chhun zan zawma rim taka thawk, Aizawl Police Station-a OC leh a thawhpui, Investigation Team-te chungah tih tak zetin lawmthu kan sawi a. Hetiang taka an inpekna hi chhuanawm kan ti tak zet a ni.

UPASANGHNUNA
Secretary

RIKRUM CHHIATNA LEH A KAIHNAWIH ZIR HONA

April 2 & 3, 2013 khan Synod Conference Centre, Aizawlah Presbyterian Church of India buatsaihin rikrum chhiatna (disaster) leh a kaihnaawih chungchang zir hona hun hman a ni a, PCI hnuaia Synod hrang hrang leh Administrative Area aiawh mi 60 vel an kal.



A ni hmasa zawkah hian chawhma dar 10:00-ah hawnna inkhawm neih a ni a, Rev. S.I. Iawphnaw, PCI Moderator-in a kaihrui a, Rev. David T. Lhouvum, PCI Administrative Secretary-in inlawmna leh inhmelhriattirna hun a hmang a, Pi K. Lalliantluangi, PWF Chairperson-in Bible chhiar leh tawngtaiin hun a hmang a, he hunah hian Pu Lal Thanhawla, Mizoram Chief Minister chu khuallian a ni. Khuallian chuan Kohhran huang chhungah rikrum chhiatna chungchang zir hona buatsaih a nih avanga lawmthu sawiin, hemi lama state sawrkar hma lak dan tlangpui a sawi a. Mizoram chu mi thiamten lirnghing thlen theihna zone a nih thu an sawi fo va, chuti chungah lirnghing nasa, chhiatna nasa tak thlen thei, mi rama thleng thin ang a thleng ngai lo chu Pathian khawngaihna avang liau liau nia a hriat thu a sawi baw.

Dr. Robert S. Halliday-a'n zir hona kalpui dan tur tlangpui a sawi a, he zir hona hi hun liah then a ni a, mi hrang hrangin thupui thlan bik hmangin chhiat rupna lo thleng palh chungchang kaihnaawih paper an buatsaihte chu zir ho a ni a, sawihona neih thin a ni baw. Thupuite chu:-

1. Rikrum chhiatna leh India Hmar Chhaka hetiang thlen tawh dan tlangpui thlirna - Dr. Lalrokima Chenkual, ATI, Mizoram.
2. Rikrum chhiatna awm chhan, a nghawng leh carbon-a sumdawmna - Mr. Satyajit Das, Chief Zonal Officer, CASA, Kolkata.
3. Rikrum chhiatna chungchang vantlang tih tur leh hna thawh dan - Dr. Robert S. Halliday, Coordinator, Synod, Mizoram Synod.
4. Rikrum chhiatna dawnsawn dan leh chhawmdawlina hna thawh dan - Mr. Satyajit Das.

He zir hona (Workshop)-a senso hi Council for World Mission-in a then a zar a tum a. Synod hrang hrang atanga tel tura beiseite tel kim thei lo mah se, a kalte chuan bengvarthlak an ti hle. Mi mal, chhungkua, khawtlang, kohhran leh sawrkarin rikrum chhiatna thleng thei thenkhat laka invenna lam inzirtir pawimawhzia an hawn hlawn. (HR)

MISSIONARY HNA THAWK TUR 19 TIRH CHHUAH AN NI

Synod Mission Board chuan Mission Field hrang hranga thawk tur Missionary 19 a la thar leh a; heng mite tirh chhuahna hun hi April 7, 2013 (Pathianni) chawhnu khan Chanmari West Kohhran Biak Inah hman a ni a; Rev. P.C. Pachhunga, Executive Secretary i/c Mission, etc.-in kaihruiin Synod Moderator Rev. Lalramliana Pachau chuan tirh chhuahna hmangin, thuchah a sawi nghal baw.

Missionary-a chhuak turte hi Evangelist Teacher 15, Evangelist pathum leh Craft Teacher pakhat an ni. SMB hian kumin kum tir khan missionary 109 lai a tir chhuak tawh baw.

